

漢魏六朝百三家集

謝宣城集

齊六人

第六十册

壽考堂藏板

謝宣城集題詞

李青蓮論詩目無往古惟于謝玄暉
三四稱服泛月登樓篇詠數見至欲
攜之上華山問青天余讀青蓮五言
詩情文駿發亦有似玄暉者知其興
歎難再誠心儀之非臨風空憶也梁

武帝絕重謝詩云三日不讀卽覺口
臭簡文與湘東書推爲文章冠冕述
作揩摸劉孝綽日置几案沈休文每
稱未有其見貴當時又復如是今反
覆誦之益信古人知言雖漸啟唐風
微遜康樂要已高步諸謝矣隋王賞

愛晤對不舍長史間之殊痛離割集
中文字亦惟文學辭箋西府贈詩兩
篇獨絕蓋中情深者爲言益工也會
稽孔顛粗有才筆未立聲名立暉愛
其讓表不難折簡手寫齒牙獎成甯
忍重背婦翁生懟寡妻然王公甫誅

二江構害出反之譏頗掛時論嗚呼
康樂宣城其死等爾康樂死于玩世
憐之者猶比于孔北海嵇中散宣城
死于畏禍天下疑其反覆卽與呂布
許攸同類而共笑也一死輕重尤貴
得所哉

婁東張溥題

謝宣城集目錄

賦

章酬德賦

有序

思歸賦

有序

遊後園賦

謝宣城公表

臨楚江賦

謝齊明帝表

七夕賦

擬風賦

高松賦

杜若賦

野鶩賦

有序

表

爲百官勸進齊明帝表

爲明帝讓封宣城公表

爲明帝拜錄尚書表

章

爲宣城公拜章

箴

辭隋王子隆牋

啟

爲王敬則謝會稽太守啟

謝隨王賜左傳啟

謝隨王賜紫梨啟

教

爲錄公拜揚州恩教

爲東海餉諸葛處士教

哀策文

齊敬皇后哀策文

謚册文

齊明皇帝謚册文

墓銘

臨海公主墓銘

新安長公主墓銘

海陵王昭文墓銘

鬱林王墓銘

祭文

祭大雷何周二神文

為隨王東耕文

為諸姊祭阮夫人文

樂府

齊雩祭歌八首

迎神 八章

世祖武皇帝 三章

青帝 二章

赤帝 三章

黃帝 三章

白帝 三章

黑帝 三章

送神 五章

隨王鼓吹曲十首

元會曲

郊祀曲 武夫人文

鈞天曲 蘇文

八朝曲 風二輪文

出藩曲

校獵曲

從戎曲

送遠曲

登山曲

泛水曲

江上曲

浦生行

詠邯鄲才人嫁爲厮養卒婦

鼓吹曲二首同沈右率諸公賦

芳樹

臨高臺

同賦雜曲名

秋竹曲

曲池之水

銅爵臺同謝諮議賦

永明樂十首

有所思同王主簿賦

銅雀悲

玉階怨

金谷聚

王孫遊

詩

侍宴華光殿曲水奉勅爲皇太子作九

三日侍宴華光殿曲水宴代人應詔十章

三日侍宴曲水代人應詔九章

遊山

遊敬亭山

將遊湘水尋句溪

遊東田

答王世子

答張齊興

暫使下都夜發新林至京邑贈西府同

僚

酬王晉安德元

郡內高齋閒望答呂法曹

在郡卧病呈沈尚書

別王丞僧孺

同羈夜集

新亭渚別范零陵雲

黍役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀朝雨

宣城郡內登望

冬日晚郡事隙

高齋視事

冬緒羈懷示蕭諮議虞田曹劉江二常

侍

落日悵望

賽敬亭山廟喜雨

賦貧民田

移病還園示親屬

治宅

秋夜講解

春思

秋夜

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉潺陵

新治北窗和何從事

和王主簿季哲怨情

和徐都曹出新亭渚

和劉中書

贈王主簿二首

和蕭中庶直石頭

奉和竟陵王同沈右率過劉先生墓

和王長史臥病

和江丞北戍琅邪城

和沈祭酒行園

奉和隨王殿下十六首

和紀參軍服散得益

和王中丞聞琴

將發石頭上烽火樓

望三湖

送江水曹還遠館

送江兵曹檀王簿朱孝廉還上國

臨溪送別

後齋迴望

與江水曹至于濱戲

荅沈右率諸君餞別

離夜同江丞王常侍作

祀敬亭山廟

出下館

落日同何儀曹煦

夜聽妓二首

詠薔薇

詠蒲

詠兔絲

遊東堂詠桐

雜詠三首

鏡臺

燈

燭

同詠樂器得琴

同詠坐上玩器得烏皮隱几

同詠坐上所見一物得席

詠竹火籠

詠風

詠竹

詠落梅

詠牆北梔子

詠鵲

聯句

阻雪連句遙贈和

還塗臨渚

紀功曹中園

間坐

侍筵西堂落日望鄉

往敬亭路中

祀敬亭山春雨

附錄

本傳

謝宣城集目錄終

謝宣城集卷之全

齊陳郡謝朓玄暉著

明太倉張溥天如閱

賦

酬德賦

右衛沈侯以冠世偉才眷予以國士以建武二
年予將南牧見贈五言予時病既以不堪蒞職
又不獲復詩四年予忝役朱方又致一首迫東
偏寇亂良無暇日其夏還京師且事讌言未遑

篇章之思沈侯之麗藻天逸固難以報章且欲
申之賦頌得盡其體物之旨詩不云乎無言不
酬無德不報言旣未敢爲酬然所報者寡于德
耳故稱之酬德賦其辭曰

嗟夫四時游之代序六龍驚而不息輕蓋靡于
駿奔玉衡勞于拊翼嗟歲晏之尠歡曾陰默以
悽惻玄武伏於重介宛虹潛以自匿覽斯物之
用舍相群芳之動植弔悴軀於華省理衣簪而
自敕思披文而信道散忿懣於胸臆嗟民生之

知用知莫深于知己，彼知己之爲深，信懷之其
何已。牽弱葛之蔓延，寄陵風於松柏，指幽蓬之
直達，固有憑於原泉。彼排虛與躋實，又相鳴於
林岵。興伐木於爻生，詠承筐於君子。矧景行之
在斯，方寄言於同耻，求相仁於積習，寓神心于
名理。惟敦牂之旅歲，實與齊之二六，奉武運之
方昌，覩休風之未淑。龍樓儼而洞開，梁邸煥其
重複。君奉筆於帝儲，我曳裾於皇穆。藉風雲之
化景，申遊好於蘭菊。結德音而爲佩，帶芳猷而

爲服援雅範以自綏。誌前修之所勗。昔仲宣之
發穎。實中郎之倒屣。及士衡之籍甚。托壯武之
高義。有杞梓之貞心。協丹采之輝被。伊吾人之
陋薄。雖黼藻之何寘。惟風雅之未變。知雲網之
不廓。譬層棟之將傾。必華榱之先落。翳明離以
上賓。屬傳體於織萼。周二輝而分崩。擠九鼎於
重壑。雖魚鳥之欲安。駭風川而迴薄。微天道之
布新。嗟員首其焉託。予窘迹以多媿。塊離尤而
獨處。君紉組於名邦。殆話言於川渚。悵分手於

東津望徂舟而延伫、慮古今之爲隔、豈山川之
云阻、賴先德之龍興、奉英靈之電舉、事紫淚之
密、勿腰青、緇而容與、沾後惠以竭來、竟卒獲其
咲語、我艤舟以命徒、將泊徂於南夏、旣勗予以
炯戒、又引之以風雅、若笙簧之在聽、雖舒憂而
可假、昔疢病於漳濱、思繼歌而莫寫、恩靈降之
未已、奉京枌而作傳、臨邦途之永陌、懷予馬於
騏驎、望平津而出宿、登崇岡而興賦、顧歸幘之
南迴、引行鑣而東驅、何瓌才之博侈、申贈辭於

萱樹指代匠而切偲比治素而引喻方含毫而
報章迫紛埃之東鶩釋末位以言歸忽乘驛以
南赴連篇章之莫訓欲寄言於往句類鍛翮之
難矯似洞源之不注意搔搔以杼軸魂營營而
馳鶩爾腰戟於戎禁我拂劍於郎闈願同車以
日夜城望昏而掩扉時遊盤以未極睠落景之
徂庫苦清顏之倏忽恡歡賞之多造排重關而
休告知南館之有依驂職門以右轉僕望路其
如歸忘清漏之不緩惜曉露之方晞聞夫君之

東守地隱蓄而懷僊登金華以問道得石室之
名篇悟寰中之迫脅欲輕舉而舍旃離寵辱於
毀譽去天伐於腥膻忽攜手以上征躋中皇之
修迥巾帝車之廣軾棹河舟之輕艇歷星術之
熠燿浮天潢之澠溟機九轉於玉漿練七明於
神鼎吹萬化而不喧度千春之可並齊天地於
倏忽安事人間之紆綈哉

思歸賦

有序

夫鑒之積也無厚而納窮神之照心之徑也有

域而懷重淵之深，余少而薄遊身。缺防方思俄
然萬里，晚而自省，諒非一塗。

余菲薄以固陋，受靈恩而不訾，拖銀黃之沃若，
剖金符之陸離，舟未濟而河廣，途方遙而馬疲，
忽中寢而念厲，魂申旦而九移，昔受教於君子，
逢知己之隆盼，被名立之羽儀，沾宦成之藻綯，
羗服義而不怠，豈臨岐而喻變，勢方迅於轉圓，
理好旋於奔電，援弱葛而能升，踐重岡而不眩，
信禔福之非已，甯悔禍其如見，大明廓以高臨，

吹萬忻而同悅，跨神臯之沃衍，奉英藩之睿哲，
承比屋之隆化，踵芳塵之餘烈，懷齷齪之褊心，
無夸毗之誕節，竟伊鬱而不怡，賴遐討於先哲，
紛吾生之遊蕩，彌一紀而歷茲，自下車於江海，
涉青春於是時，睠崇岡而引領，望大廈而長思，
雖曲街之委陋，猶寤寐而見之，况神交而通夢，
眇河漢於佳期，爾乃眷言薄暮，南眺悠然，方整
歸轡，願受一廛，考華城之直陌，相洛浦之廻阡，
連飛夢於故爻，接閒館以懷僊，臨南塲以執藿，

寄北地而采蓮、睇微英之霍霍、望水葉之田田、
乃翦山木不日爲功、非輪非負去斲去礮、夜索
綯而繞繞、旦乘屋而芟芟、竹櫺崎嶇而經北繩、
閨窈窕以臨東、布茵蕭於踈榛、織葦亂於迴櫳、
于是籬插芳槿、門拂長楊、園桃春發、窗竹夏涼、
晨露晞而草馥、微風起而樹香、無芳菲以襲予、
空旖旎於都房、恒離居以歲月、庸銷落而徒傷、
我聞時命有殖、無遷徵事或在、求理未甄、譬豐
草之區別、隨霜露而天延、背萱鮮於堂北、尚幽

幽而未捐苟外物以能惑亦在應而無騫况朝
霞之采可嚙瓊屏之飾方宣養以虛白之氣悟
以無生之篇豈加璧之贈可動執珪之位能纏
歸來薄暮聊以永年

遊後園賦

積芳兮選木幽蘭兮翠竹上蕪蕪兮蔭景下田
田兮被谷左蕙畹兮彌望右芝原兮寫目山霞
起而削成水積明以經復於是蔽風閨之藹藹
聳雲館之迢迢周步檐以升降對玉堂之沈寥

追夏德之方暮，望秋清之始飈。藉宴私而遊行，
時寤語而逍遙。爾乃日棲榆柳，霞照夕陽。孤蟬
已散，去鳥成行。惠氣湛兮，帷殿肅清。陰起兮池
館涼，陳象設兮以玉填。紛蘭籍兮咀桂漿，仰微
塵兮美無度。奉英軌兮式如璋，藉高文兮清談。
預含毫兮握芳，則觀海兮爲富。乃遊聖兮知方，
爰自山南，薄暮江潭。滔滔積水，裊裊霜嵐。憂與
憂兮，竟無際。客之行兮，歲已嚴。爾乃雲沉山岫，

臨楚江賦

風動中川馳波鬱素駭浪浮天明沙宿莽石路
相懸於是霧隱行鴈霜眇虛林迢迢落景萬里
生陰冽攢笳兮極浦弭蘭鷁兮江濤奉王樽之
未暮食勝賞之芳音願希光兮秋月庶永照於
遺簪

七夕賦

奉護軍
命作

金祗司矩火曜方流素鍾登御夷律鳴秋朱光
既夕涼雲始浮盈多露之藹藹升明月之悠悠
步廣階而延眺屬天媛之淹留嗟斯靈之淑景

招好仇於服箱，邁姮娥而擢質。凌瑤華而擅芳，厭白玉以爲飾。霏丹霞而爲裳，迴龍駕之容裔。亂鳳筦之凄鏘，騰燭光於西極。命二妃於瀟湘，軾帝車而捐玦。凌天津而上翔，悵漢渚之夕漲。析河廣之旣梁，臨瑤席而宴語。綿含睇而蛾揚，嗟蘭夜之難永。泣會促而怨長，忌織阿之方駕。吝長庚之未光，撫鳴琴而修悅。浩安歌而自傷，歌曰：清絃愴兮桂觴，酬雲幄靜兮香風浮。龍鑣蹀兮玉鑾整，睠星河兮不可畱。分雙袂之一斷。

何四氣之可周，斯乃嚮像恍惚，彷彿幽曖，耳之無聞，目之無績，故鐘鼓聞而延予，隱白日沉而季後對，豈形氣之所求，亦理將其如昧。君王壯思風飛，冲情雲上，顧楚詩而縱轡，瞻蘭書而競爽，實研精之多暇，聊餘日之駘蕩。賦幽靈以去惑，排視聽而玄往，晒陽雲於荆夢，賦洛篇於陳想，乃澄心而閑邪，庶綢繆於茲賞。

擬風賦

奉司徒
敎作

起日域而搖落，集桂宮而送清，開翠帳之影藹，

響行珮之輕鳴，揚淮南之妙舞，發齊后之妍聲，
下鴻池而蓮散，上雀臺而雲生，至於新虹明歲，
高月照秋，晬儀乃豫，冲想雲浮，鄒馬之賓咸至，
申穆之醴已酬，朝役登樓之詠，夕引小山之謳，
厭朱邸之沉邃，思輕舉而遠遊，驢驢之馬魚躍，
飄鑿車而水流，此乃大王之盛風也。若夫子雲
寂寞，叔夜高張，煙霞潤色，荃萸結芳，出澗幽而
泉冽，入山戶而松涼，眇神玉於丘壑，獨起遠於
孤觴，斯則幽人之風也。

高松賦

奉竟陵王敎作

閱品物於幽記訪叢育於祕經
巡汜林之彌望識斯松之最靈
提於巖以羣茂臨於水而宗生
豈榆柳之比性指冥椿而等齡
若夫修榦垂蔭喬柯飛穎望肅
肅而旣開卽微微而方靜懷風
陰而送聲當月露而畱影旣芊
眠於廣隰亦迢遞於孤嶺集九
僊之羽儀棲五鳳之光景固總
木之爲選貫山川而自永爾乃
青春受謝雲物含明江臯綠草
曖然已平紛弱葉而凝照競新

藻而抽英陵翠山其如剪施懸蘿而其輕至於
星迴窮紀沙鴈相飛同雲泱其無色陽光沉而
滅暉卷風颺之歛吸積霰雪之嚴霏豈彫貞於
歲暮不受今於霜威若乃體同繩制質兼上才
夏書稱其岱吹周篇咏其徂徠乃屈已以弘用
構大壯於雲臺幸爲玩於君子留神心而顧懷
君王乃徒讌蘭室解佩明椒奉幽蘭於夕陰詠
聳榦於琴朝陵高丘以致思御風景而逍遙夷
馘冕之隆貴懷汾陽之寂寥邈道勝於千禩蘊

神理而自超夫江海之爲大實涓澮之所歸瞻
衡恒之峻極不讓壤於塵微嗟孤陋之無取率
聞道於清微理弱羽於九萬愧不能兮奮飛

齊宮柱若賦

奉隋王教於坐獻

請于爲頌其詞曰

馮瑤圃而宣游臨水木而延佇柳含色於遠岸
泉鏡流於枉渚蔭綠竹以淹畱藉幽蘭而容與
覽茲榮之悅茂蕝爲芳於清籟觀夫結根擢色
發曜垂英緣春巒以織布蔭涼潭而影清景奕
奕以四照枝靡靡而葉傾冒霜蹊以獨蒨當春

郊而逕平寒汀洲以金予懷石泉於幽情嗟中
巖之織草廁金芝於芳叢夕舒榮於溽露旦發
彩於春風承羲陽之光景庶無悲於轉蓬

野鷺賦

有序

有門人斃一野鷺因以爲獻予時命以登俎用
待賓客客有愛其羽毛請予爲賦其詞曰

夫何羅人之伎巧薦江海之逸禽落摩天之迅
羽絕歸飛之好音碎文錦之丹臆裂雕綺之翠
襟孤雛驚以靡翼饑雌叫而莫尋越滄流以遠

致乃交畱以兼金、因闡寺以傳請、排邃戶以重
溪、貴敷祗以取愛、願登俎以甘心。

表

爲百官勸進齊明帝表

臣聞時乘在御，必待先天之業。神化爲皇，乃叶
應期之運。况復湯孫有緒，纂堯惟德。舊邦作新，
復禹歸社。大齊之權輿寶曆，孕育前古。昭假四
海，克酬三靈。而嗣命疾威，蕃鄙叛渙。委裘御寓，
燹鼎如忽。陛下文思體道，狗齊作聖。翦應龍於
冀州，戮長蛇於沮水。榮光之瑞昭回，延喜之寶
潤色。天睠爰發，人謀咸贊。伏願陛下仰答靈祇

弘宣景命，誕受多方，奄宅萬國。

爲明帝讓封宣城公表

如其懸旌灞滄，刷馬伊穀，灑酒望屬車之塵，整
笏侍升平之禮。陛下訏謨玄覽，欽若宏圖，鑒臣
匪躬，共申彛訓。雖量能之請，近遂微躬，則弘長
之風，足軌來世。

爲明帝拜錄尚書表

升降王階，拜揚休命，六轡在手，千里何偕。司會
天官之統，尚書百僚之本，弘之則庶績惟凝，替

之則彝倫斯斲、修身踐言、本慙五美、果行育德、
未階六正、妄屬負圖之寄、多謝五仁之績、操檜
截於龍津、荷梓梁於雲構、無以輔位明堂、遺像
麟閣、

章

爲宣城公拜章

惟天爲大、日星度其象、謂地益厚、河岳宣其氣、
斯冕旒所以貞觀、袞職所以代終、慙下穆而上
尊、豈南征而北怨、何以克詠九歌、載宣七德、銘
彼旂常、勒斯鐘鼎、

宋牋升大愚文編

○辭隋王子隆牋

故吏文學謝朓。歿罪死罪。卽日被尚書召。以朓
補中軍新安王記室叅軍。朓聞黃汗之水。願朝
宗而每竭。驚蹇之乘。希沃若而中疲。何則。臯壤
搖落。對之惆悵。岐路東西。或以嗚嗚。况乃服義
徒擁。歸志莫從。邈若墜雨。翩似秋蒂。朓實庸流
行能無筭。屬天地休明。山川受納。袞采一介。抽
揚小善。故得捨耒場圃。奉筆兔園。東亂三江。西

浮七澤。契濶戎旃。從容讌語。長裾日曳。後乘載
脂。榮立府庭。恩加顏色。沐髮晞陽。未測涯涘。撫
臆論報。早誓肌骨。不悟滄溟。未運波臣。自蕩渤
澥。方春旅。翮先謝。清切藩房。寂寥舊華。輕舟反
溯。弔影獨留。白雲在天。龍門不見。去德滋永。思
德滋深。惟待青江可望。候歸艤於春渚。朱邸方
開。效蓬心於秋實。如其簪履或存。衽席無改。雖
復身填溝壑。猶望妻子知歸。攬涕告辭。悲來橫
集。不任犬馬之誠。

啟

爲王敬則謝會稽大守啟

臣本布衣，不謀遠大，折衝之勤，不舉燮理之義。何階常恐覆餗，是貽咎徵。斯應陛下，繼歷聖統。日月重光，得以桓珪。袞服拜奉，歲時視濯。獻牲鞠躬，郊廟而鴻恩。宴假覆授，龜符玉節。邁於雙璜，表東侔於四履。臨邊三事，旣謝張溫。賴川再撫，亦慙黃霸。

謝隨王賜左傳啟

昭晰殺青，近發中汗。恩勸挾策，慈勗下帷。朏未
窺山笥，早惜河籍。業謝專門，說非章句。庶得既
困而學，括羽瑩其蒙心。家藏賜書，籛金遺其貽
厥。披覽神勝，吟諷知厚。

○謝隨王賜紫梨啟

味出靈闕之陰，旨珍玉津之滢。豈徒真定歸美，
大谷慙滋。將恐帝臺妙棠，安期靈棗。不得孤擅
王盤，獨共仙席。雖秦君傳罍，漢后推飡。望古可
儔。於今何答。

教

爲錄公拜揚州恩教

管召南分陝流甘棠之德平陽好道深獄市之
寄吾忝屬負荷任總侯伯受餞元戎作牧中甸
此地五都雜會四方是則而向隅之矜斯積納
隍之歎猶繁興念下車無忘待且有齊禮導德
致之仁壽弘漏網之寬申在宥之澤

爲東海餉諸葛處士教

管長孫東組降龍丘之節文舉北轡高通德之

稱所以激貪立懦、式揚風範、處士諸葛、塚高風
所漸、結轍前修、豈懷珠被褐、韜玉待價、將幽貞
獨往、不事王侯者耶、聞事親有啜菽之窶、就養
寡、藜蒸之給、豈得獨享萬鍾、而忘茲五秉、可餉
穀百斛、

晉晉孫圖、晉書、王、蘇、荆、自、受、建、示、夾、中、外、可、論、
晉、晉、南、分、刻、流、其、棠、之、惠、平、則、我、豈、深、淵、寸、文、
上、盤、盤、絲、公、野、豈、州、思、錄、
錄、
錄、

哀策文

齊敬皇后哀策文

惟永泰元年秋九月朔日敬皇后梓宮啟自先
塋將祔于興安陵其日至尊親奉奠明皇帝乃
使兼太尉陳顯達設祖于行宮禮也翠帟舒阜
玄堂啟扉俎徹三獻筵卷六衣哀子嗣皇帝懷
蜃衛而延首想鷺輅而撫心痛椒塗之先廓哀
長信之莫臨身隔兩赴時無二展旋詔左言光
敷聖善其辭曰

帝唐遠胄，御龍遙緒。在秦作劉，在漢開楚。肇惟
淑聖，克柔克令。清漢表靈，曾沙膺慶。爰定厥祥，
徽音允穆。光華沼沚，榮曜中谷。敬始絃緼，教先
種稷。睿問川流，神襟蘭郁。先德韶光，君道方被。
于佐求賢，在謁無諛。顧史弘式，陳詩展義。厚下
曰仁，藏往伊智。十亂斯俟，四教罔忒。思媚諸姑，
貽我嬪則。化自公宮，遠被南國。軒曜懷光，素舒
佇德。閔予不祐，慈訓早違。方年冲藐，懷袖靡依。
家臻寶業，身嗣昌暉。壽宮寂遠，清廟虛歸。嗚呼

哀哉帝遷明命，民神胥悅。乾景外臨，陰儀內缺。
空悲故劍，徒嗟金穴。璋瓚奚獻，禘禴罔設。嗚呼
哀哉，馮相告稜，宸駕長往。貽厥遠圖，末命是獎。
懷豐沛之綢繆，兮背神京之弘敞。陋蒼梧之不
從兮，遵鮒隅以同壤。嗚呼哀哉，陳象設於園寢。
兮，映輿鏤於松楸。望承明而不入兮，度清洛而
南游。繼池綽於通軌兮，接龍帷于造舟。迴塘寂
其已暮兮，東川澹而不流。嗚呼哀哉，藉閔宮之
遠烈兮，聞纘女之遐慶。始協德於蘋蘩兮，終配

祀而表命慕方纏於賜衣兮哀日隆於撫鏡思
寒泉之罔極兮託彤管於遺詠嗚呼哀哉

令期與歿於外州望承則而不入令妻青荷而

并定數檢問以同舉即平哀若刺象姑於園窠

劉豐前之臨縣令背輒哀之臣端函餐計之不

京若無休吉疑寡無身至胡颯豈圖末命曷幾

空懸外險封製金穴章與矣隴新命固始德和

京若帝夢即命用輒省劉草景似調劉謝肉疑

謚冊文

齊明皇帝謚冊文

維永泰元年九月朔日哀子嗣皇帝諱仰惟大
行皇帝早棄萬邦，聖烈方遠，式遵一作尊帝世俾
鬯鴻猷，咸以爲無名以化，則言繁莫宣其道，有
求斯應，則影響庶圖其功，所以永言配命，寄心
宗極，光昭令德，允樹風聲，伏惟大行皇帝合信
四時，齊明日月，劄保大於登庸，通神機於受命，
因時以暢，藉九萬而輕舉，天保既定，運四海而

高臨及廼開物成務重維國綱風行草化心往
如神左賢右戚內樂外禮輯五材以教民申三
驅而在宥用能盛德殷薦美善斯畢皇矣之業
旣孚蒸哉之道咸備景化方遠厭世在天龜筮
告期遠日無改仰則前王俯詢百辟累德稱睿
允極鴻名謹命某申奉大牢之奠謹上尊謚曰
明皇帝廟號高宗天人允協神其尚饗嗚呼哀
哉

水墓

銘

臨海公主墓銘

長發

有祥，瑤臺乃構，玄鳥歸飛，北音斯奏，聿來

徐士

禎符爰授，帝體靈柯，禮華以秀，飾館東魯，

言歸

景族有教，公宮無繫，車服既肅，簪珥亦崇，

湯沐

率禮衡門，降情雲屋，彼月斯望，在鈞維緝，

瞻頌

配景望燭，齊神霾華，崑岫滅采，上春慈纏，

雲陛

悲動外姻，鬱彼崇芒，睠然城輦，輜翟按轡，

龍旒

徐轉

元公主墓銘

新安長公主墓銘

氛氳長發，時惟睿文。誕茲明淑，玉振蘭芬。譽宣
女師，德侔高行。肅穆嬪風，優游闈正。撫事成箴，
臨圖作鏡。如何冥默，方春委盛。

海陵王昭文墓銘

中樞誕聖，膺厯受命。於穆二祖，天臨海鏡。顯允
世宗，溫文著性。三善有聲，四國無競。嗣德方衰，
時唯介第。景祚云及，多難攸啟。載驅軫轄，高闢
代邸。庶辟欣欣，威儀濟濟。亦旣負辰，言觀帝則。

正位恭已臨朝淵嘿虔思寶締負荷非克敬順
天人高遜明德西光已謝東旭又涼龍燾夕儼
葆挽晨鏘風搖草色日照松光春秋非我
何長

爵林王墓銘

綠車旖旎翠蕤掩映癸貳戲良臨祧弛盛毀德
歸洞葉尊居鄭

翰林汪某

何長... 命於穆... 禮天臨海鏡

蔣... 風... 草... 日... 烈... 外... 水... 春... 沐... 非... 非... 柳... 亦...

天... 大... 高... 級... 則... 盛... 西... 水... 日... 橫... 東... 臥... 又... 氣... 猶... 靈... 又... 難...

五... 劫... 泰... 日... 潮... 博... 則... 照... 夷... 思... 寶... 絲... 負... 荷... 非... 哀... 州... 州...

祭文

祭大雷何周二神文

大過在運，小雅盡缺，瓊鏡日淪，金車未晰，周生
電斷，神謨英冠，正因部奇，風歛雲散，晉德如燬，
功資叶贊，山無猛鷲，時曠忠賢，流王于莧，龜鼎
忽焉忠肅，布衣君親，自然驅狐，上國斬鯁，中川
紛綸，凱入氛氲，配天

爲隨王東耕文

穀躔星景，稽表蜡先，八政奚首，六府茲宣，弊嗟

非國登頌有年，一夫或怠，望歲誰天。

爲諸姊祭阮夫人文

婉婉嬪德，幽閑嬪性。巧史弘箴，陳詩陳詠。嘉言足題，清暉可映。契闊未幾，音塵如昨。中景遽傾，芳木先落。疇昔交觴，享也虛薦。帶上先結，握中遺扇。迸淚失聲，潺湲如霰。

大嚴寺觀心齋蓋梵變齋日命金車木禪同本
祭大雷雨回風二師文

祭文

樂府

齊雩祭歌八首

南齊書樂志曰建武二年雩祭明堂謝朓造辭一依謝莊唯世祖四言也

迎神 八章

清明暢禮樂新候龍景練貞辰

陽律亢陰晷伏耗下土薦種稔

宸儀警王度乾嗟雲漢望昊天

張盛樂奏去儻集五精延帝祖

雩有諷縈有秩管鬯芬圭瓚瑟

護宣坊集 卷全
靈之來，帝闢開，車煜耀，吹徘徊。
停龍轡，徧觀此，凍雨飛，祥雲靡。
壇可臨，莫可歆，對昨社，鑒皇心。

世祖武皇帝 三壺

濟哲維祖，長發其武。帝出自震，重光御寓。七德攸宣，九疇咸敘。靜難荆衡，凝威蠡浦。

昧且不承，夕惕刑政。化一車書，德馨染盛。昭星夜景，非雲曉慶。衢室成陰，璧水如鏡。

禮充玉帛，樂被匏絃。於鑠在詠，陟配於天。自宮

祖兆靡愛牲牲，我將我享，永祚豐年。

青帝三章

營翼日，鳥殷宵，凝冰泮，玄蟄昭。

景陽陽，風習習，女夷歌，東皇集。

奠春酒，秉青珪，命田祖，渥群黎。

赤帝二章

惟此夏德，德恢台，兩龍在御，炎精來。

火景方中，南譎秩，靡草云黃，含杳實。

族雲蒼鬱，溫風扇，興雨祁祁，黍苗遍。

黃帝

三章

稟火自高明，毓金挺剛克，涼燠資成化，群芳載
厚德。

陽季勾萌達，炎徂溽暑融，商暮百工止，歲極凌
陰冲。

泉流疏已清，原隰何已平，咸言祚惟億，敦民保
齊京。

白帝

三章

帝說于兌，執矩固司藏，百川收潦精，景應金方

嘉樹離披、榆關命賓、鳥後月如霜、金風方嫋嫋、
商陰肅殺、萬寶咸已、適勞哉望歲、塲功冀可收、

黑帝 三章

白日短、玄夜深、招搖轉、移太陰、霜鐘鳴、冥陵起、
星廻天、月窮紀、

聽巖風、來不息、望玄雲、黝無色、曾冰烈、積羽幽、
飛雪至、天山側、

闕梁閉、方不巡、合國吹、饗蜡賓、統微陽、究終始、
百禮洽、萬祚臻、

送神 五章

敬如在，禮將周，神之駕，不少留。
躍龍鑣，轉金蓋，紛上馳，雲之外。
警七曜，詔八神，排閭闔，渡天津。
有滄興，膚寸積，雨冥冥，又終夕。
俾棲糧，維萬箱，皇情暢，景命昌。

隋王鼓吹曲十首

以下
五言

齊永明八年謝朓奉鎮西隋王敎於州道中作鈞天以上三曲頌帝功校獵頌藩德

元會曲

一儀啟昌曆，三陽應慶期。
珪贄紛成序，鞞譯憬來思。
分階絕組練，充庭羅翠旗。
觴流白日下，吹溢景雲滋。
天儀穆藻殿，萬寓壽皇基。

郊祀曲

六宗禋配岳，五時奠甘泉。
整蹕遊九闕，清簫開八挺。
鏘鏘王鑾動，溶溶金障旋。
郊宮光已屬，升柴禮既虔。
福響靈之集，南岳固斯年。

鈞天曲

高宴顥天臺，置酒迎風觀。笙鏞禮百神，鍾石動雲漢。瑤堂琴瑟驚，綺席舞衣散。威鳳來參差，玄鶴起凌亂。已慶明庭樂，詎慙南風彈。

入朝曲

江南佳麗地，金陵帝王州。逶迤帶綠水，迢遞起朱樓。飛甍夾馳道，垂楊蔭御溝。凝笳翼高蓋，疊鼓送華輶。獻納雲臺表，功名良可收。

出藩曲

雲枝紫微內，分組承明阿。飛艎遡極浦，旌節去

關河渺渺蒼山色
沉沉寒水波
鏜音巴渝曲
簫鼓盛唐歌
夫君邁惟德
江漢仰清和

校獵曲

疑霜冬十月
殺盛涼颺哀
原澤曠千里
騰騎紛往來
平宜望煙合
烈火從風迴
殪獸華容浦
張樂荆山臺
虞人昔有諭
明明時戒哉

從戎曲

選旅辭轅軒
弭節赴河源
日起霜戈照
風迴連騎翻
紅塵朝夜合
黃沙萬里昏
寥戾清笳轉
蕭

條邊馬煩白勉輟耕願征役去何言

送遠曲

壯梁辭歡宴南浦送佳人方衢控龍馬平路騁
朱輪瓊筵妙舞絕桂席羽觴陳白雲上陵遠山
川時未因一爲清吹激潺湲傷別巾

登山曲

天明開秀嶺瀾光媚碧提風盪飄鶯亂雲行芳
樹低暮春春服美遊駕凌丹梯升嶠旣小象登
巒且悵齊王孫尚遊衍蕙草正萋萋

泛水曲

玉露霑翠葉、金風鳴素枝、罷遊平樂苑、泛鷁昆
明池、旌旗散容裔、簫管吹參差、日晚厭遵渚、採
菱贈清漪、百年如流水、寸心甯其知、

江上曲

易陽春草出、踟躕日已暮、蓮葉尚田田、淇水不
可渡、願子淹桂舟、時同千里路、千里旣相許、桂
舟復容與、江上可採菱、清歌共南楚、

蒲生行

蒲生廣湖邊。託身洪波側。春露惠我澤。秋霜縹
我色。根葉從風浪。常恐不永植。攝生各有命。豈
云智與力。安得遊雲上。與爾同羽翼。

詠邯鄲才人嫁爲厮養卒婦

生平宮閣裡。出入侍丹墀。開笥方羅縠。窺鏡比
蛾眉。初別意未解。去久日生悲。憔悴不自識。嬌
羞餘故姿。夢中忽彷彿。猶言承燕私。

鼓吹曲二首同沈右率諸公賦

芳樹曲

早翫華池陰復影一作鼓滄洲榭椅梔芳若斯
蕤紛可結霜下桂枝銷怨與飛蓬折不厠玉盤
滋誰憐終委絕

臨高臺

千里常思歸登臺臨綺翼纔見孤鳥還未辨連
山極四面動清風朝衣起寒色誰知倦遊者嗟
此故鄉憶

同賦雜曲名

詩爲宣城守檀秀才諸君同賦

秋竹曲

嬈娟綺窗北，結根未參差。從風旣裊裊，映日頗
離離。欲求棗下吹，別有江南枝。但能凌白雪，貞
心蔭曲池。

山。登。曲。池。之。水。風。博。天。吹。寒。白。霜。吹。落。香。葉。
緩步遵莓渚，披矜待蕙風。芙蓉舞輕帶，苞筍出
芳叢。浮雲自西北，江海思無窮。鳥去能傳響，見
我綠琴中。

銅爵臺同謝諮議賦

縹帷飄井幹，樽酒若平生。鬱鬱西陵樹，詎聞歌

吹○聲○芳○襟○染○淚○迹○
嬋○娟○空○復○情○玉○座○猶○寂○寞○况○
乃○妾○身○輕○

永明樂十首

南齊書樂志曰永明樂歌者竟陵王子良與諸文士造奏之人爲十曲。

帝圖開九有皇風浮四溟永明一爲樂咸池無復靈

民和禮樂富世清歌頌微鴻名軼卷領稱首邁垂衣

朱臺鬱相望青槐分馳道秋雲湛甘露春風散

芝草

龍樓日月照，涵館風雲清。儲光溫似玉，藩度式如瓊。

化洽鯁海君，恩變龍庭長。西北驚環表，東南盡龜象。

出車長洲苑，選旅朝夕川。絡絡結雲騎，奕奕泛戈船。

燕駟遊京洛，趙服麗有輝。清歌留上客，妙舞送將歸。

實相薄五禮，妙花開六塵。明祥已玉燭，寶瑞亦
金輪。
生茂薛蘿性，身與佳惠隆。飛纓入華殿，屣步出
重宮。

彩鳳鳴朝陽，玄鶴舞清商。瑞此永明曲，千載爲
金皇。

有所思同王主簿賦

佳期期未歸，望望下鳴機。徘徊東陌上，月出行
人稀。

入鏡銅雀悲

落日高城上餘光入總帷
寂寂深松晚甯知琴瑟悲

玉階怨

夕殿下珠簾流螢飛復息
長夜縫羅衣思君此何極

金谷聚


渠碗送佳人玉杯邀玉臺作要上客
車馬一東西別

後思今夕甄逆外開六望明燕日正殿寶

王孫遊

綠草蔓如絲，雜樹紅英發。
無論君不歸，君歸芳已歇。

日。海。新。草。蔓。吸。絲。聯。帶。綠。英。纏。舞。鶴。扶。不。亂。扶。亂。扶。
定。科。也。



言。一。上。公。分。公。三。

詩

侍宴華光殿曲水奉勅爲皇太子作

四言九章

旁求邃古，逖聽鴻名。太寶曰位，得一爲貞。朱禩叶社，緣字摛英。升配同貫，進讓殊聲。

大橫將屬，會昌已命。國步中徂，宸居膺慶。璽劍先傳，龜玉增映。宗堯有緒，復禹無競。

禮行郊社，人神受職。寶效山川，鱗羽變色。玄塞北靡，丹徼南極。浮毳駕風，飛泳登陟。能官民秀，利建天跗。枵鶉列野，管絳分區。論思

帝則獻納宸樞麟趾方定鵝翼誰濡
西京藹藹東都濟濟秋祓濯流春禊浮醴初吉
云獻上陰方啟昔駕陽潁今帳雲陛
嘉樂舊矣芳宴在斯載留神矚有睟天儀龍精
已映威仰未移葉依黃鳥花落春池
高殿弘敞禁林稠密青磴崛起丹樓間出翠葆
隨風金戈動日惆悵清管徘徊輕徐
灞滻入筵河淇流昨海若來往觴肴泔沂歡餽
有終清光欲暮輕貂回首華組徐步

登賢博望獻賦清漳漢貳稱敏魏兩垂芳監撫
有則七鬯無方瞻言守器永槐元良

三日侍華光殿曲水宴代人應詔

十章

群分未辨類聚茲式天眷休明且求至德御繁
實簡制動惟默官府白王衣裳萬國中葉遭閔副內多違悠悠靈貺爰有適歸於昭
睿后撫運天飛凝居中縣神動外畿
懸象著明離光乃位我有儲德徽猷淵傍長壽
察書龍樓迴轡重道上庠行遵儒肆

朝陽有幹、布葉萋萋、思皇威矣、鷩羽高棲、出馳
先輅、入秉介珪、瞻秦望井、建魯分奎、
求賢每勞、得士方逸、有覺斯順、無文咸秩、萬箱
惟重、百綏載卹、屈草戒諛、階蓂紀日、
文教已肅、武節旣馳、榮光可照、合璧如規、載懷
姑射、尚想瑤池、濯龍乃飾、天淵在斯、
作樂順動、實符時義、上春初吉、亦留淵寄、紅樹
巖舒、青莎水被、雕梁虹拖、雲薨鳥跂、

高懸甲帳、周塞黼帷、長筵列陛、激水旋墀、浮醪

聚蟻靈蔡呈姿。河宗躍踢海介夔跏。
弱腕纖腰，遷延妙舞。秦箏趙瑟，殷勤促柱。降席
連綉稱觴，接武稽首。萬年獻茲多祐。
天地既成，泉流既清。薄暮沾幸，屬奉文明。將標
齊配，刻掃秦京。願馳龍漠，飲馬懸旌。

三日侍宴曲水代人應詔 九章

神理內寂，機象外融。遺情汾水，垂冕鴻宮。樹以
司牧，匪我求蒙。徒勤日用，誰契玄功。
往晦必明，來碩資蹇。於皇克聖，時乘御辯。寶曆

載暉瑤光重踐昭昭舊物熙熙遷善
當一日具求衣未明抵壁焚翠銷劍隳城九疇
式序三辟載清虞箴罔闕矇奏傳聲
麗景則春儀方在震重聖積厚金式瓊潤天爵
必諧王臣咸蓋譬諸華霍惟邦之鎮
正朔葱瀚冠冕邛越爭長明堂相超魏闕龜蒙
南薦環裘西發巢閣易窺馴庭難狘
上巳惟昔干彼裊流被穢河澣張樂春疇旣停
龍駕亦泛鳧舟靈宮備矣無待茲遊

初鸚命曉。朝霞開夜。飾陞道源。迴伊流灞。極塋
天淵。曲阻亭榭。閒館巖敞。長廊水架。
金觴搖蕩。玉俎推移。筵浮水豹。席擾雲螭。寥亮
琴瑟。嗷咷埴篔。歡茲廣讌。穆穆天儀。
周道如砥。康衢載直。徒愧玄黃。負恩無力。華輜
徒駕長纓。未飾相彼。失晨甯忘鼓翼。

遊山

以下
五言

託養因支離。乘閒遂疲蹇。語默良未尋。得喪云
誰辯。幸蒞山水都。復值清冬緬。凌厓必千仞。尋

言宜坊集 卷八
三
壑將萬轉，堅嶠旣峻嶒。迴流復宛澶，杳杳雲竇深。
淵淵石溜淺，俯眺鬱篔簹。還望森栴槲，荒隩被
葳莎。崩壁帶苔蘚，鼯狖呌層巖。鷗鳧戲沙衍，
觸賞聊自觀。卽趣咸已展，經目惜所遇。前路欣
方踐，無言蕙草歇。留垣芳可搴，尚子時未歸。邴
生思自免，永志昔所欽。勝迹今能選，寄言賞心
客。得性良爲善。

天嶽遊敬亭山

茲山亘百里，合沓與雲齊。隱淪旣已託，靈異居

然棲上千蔽白日，下屬帶迴谿。交藤荒且蔓，
樛枝聳復低。獨鶴方朝唳，飢麕此夜啼。漂雲已漫
漫，夕雨亦淒淒。我行雖紆組，兼得尋幽蹊。綠源
殊未極，歸徑宵如迷。要欲追奇趣，卽此凌丹梯。
皇恩竟已矣，茲理庶無睽。

將遊湘水尋句溪

旣從陵陽釣，挂鱗驂赤螭。方尋桂水源，謁帝蒼
山垂。辰哉且未會，乘景弄清漪。瑟汨瀉長淀，潺
湲赴兩岐。輕蘋上靡靡，襍石下離離。寒草分花

映戲鮪乘空移。興以暮秋月。清霜落素枝。魚鳥
余方翫。纓綵君自縻。及茲暢懷抱。山川長若斯。

遊東田

戚戚苦無悰。攜手共行樂。尋雲陟累榭。隨山望
菌閣。遠樹瞬阡阡。生煙紛漠漠。魚戲新荷動。鳥
散餘花落。不對芳春酒。還望青山郭。

答王世子

飛雪天山來。飄聚繩櫺外。蒼雲暗九重。北風吹
萬籟。有酒招親朋。思與清顏會。熊席惟爾安。羔

表○豈○吾○帶○公○子○不○垂○堂○誰○肯○憐○蕭○艾○

答張齊興

荆山窈百里，漢廣流無極。北馳星斗正，南望朝
雲色。川隰同幽快，冠冕異今昔。子蕭兩岐功，我
滯三冬職。誰知京洛念，彷彿昆山側。向夕登城
濠，潛池隱復直。地迥聞遙蟬，天長望歸翼。清文
忽景麗，思泉紛寶飾。勿言脩路阻，勉子康衢力。
曾厓寂且寥，歸軫逝言陟。

誓使下都夜，發新林至京邑。贈西府同僚

謫宦坊集 卷全
三
大江流。日夜客心悲。未央徒念關山近。終知返
路長。秋河曙耿耿。寒渚夜蒼蒼。引領見京室宮
雉正相望。金波麗鵙鵲。玉繩低建章。驅車鼎門
外。思見昭丘陽。馳暉不可接。何況隔兩鄉。風雲
有鳥路。江漢限無梁。常恐鷹隼擊。時菊委嚴霜。
寄言爵羅者。寥廓已高翔。

賦王晉安德元

稍稍枝早勁。塗塗露晚晞。南中榮橘柚。甯知鴻
鴈飛。拂霧朝青閣。日旰坐彤闈。悵望一途阻。參

差百慮依春草秋更綠。公子未西歸。誰能久京
洛。緇塵染素衣。

郡內高齋閒望答呂法曹

結構何迢遞。曠望極高深。牕中列遠岫。庭際俯
喬林。日出衆鳥散。山暝孤猿吟。已有池上酌。復
此風中琴。非君美無度。孰爲勞寸心。惠而能好
我。問以瑤華音。若遺金門步。見就玉山岑。

在郡臥病呈沈尚書

淮陽股肱守。高卧猶在茲。况復南山曲。何異幽

謏宣坊集 卷全 罕
棲時連陰盛農節臺笠聚東菑高閣常晝掩荒
堦少諍辭珍簾清夏室輕扇動涼颺嘉魴聊可
薦綠蟻方獨持夏李沈朱實秋藕折輕絲良辰
竟何許夙昔夢佳期坐嘯徒可積爲邦歲已暮
弦歌終莫取撫枕令自嗤

別王丞僧孺

首夏實清和。餘春滿郊甸。花樹雜爲錦。月池皎
如練。如何當此時。別離言與宴。留襍已鬱紆。行
舟亦遙衍。非君不見思。所思不見。

同羈夜集

積念隔炎涼。驤言始今夕。已對濁尊酒。復此故鄉客。霜月始流砌。寒蛸早吟隙。幸藉京華遊。邊城讌良席。樵丞咸共同。荆莎聊可藉。恐君城闕人。安能以松栢。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢流。停驂我悵望。輟棹子夷猶。廣平聽方籍。茂陵將見求。心事俱已矣。江上徒離憂。

黍役湘州與宣城吏民別

弱齡倦簪履薄晚黍華輿閒沃盡地區山泉諧
所好幸遇昌化穆淳俗罕驚暴四時從偃息三
省無侵冒下車遽暄席紆服始黔竈榮辱未遑
敷德禮何由導汨徂奉南岳兼秩與邦號疲馬
方云驅鉛刀安可操遺惠良寂寞恩靈亦匪報
桂水日悠悠結言幸相勞吐納貽爾和窮通勗
所蹈

懷故人

芳洲有杜若，可以贈佳期。望望忽超遠，何由見
所思。行行未千里，山川已間之。離居方歲月，故
人不在茲。清風動簾夜，孤月照牕時。安得同攜
手，酌酒賦新詩。

始之宣城郡

下帷闕章句，高談媿名理。疎散謝公卿，蕭條依
椽史。簪髮逢嘉惠，教義承君子。心迹苦未并，憂
歡將十祀。幸沾雲雨慶，方轡參多士。振鷺徒追
飛，群龍難隸齒。烹鮮止貪兢，共治屬廉耻。伊余

言宜坊集 卷全 聖
昧損益。何用祗千里。解劍北宮朝。息駕南川涘。
甯希廣平詠。聊慕華陰市。棄置宛洛遊。多謝金
門裏。招招漾輕楫。行行趨巖趾。江海雖未從。山
林於此始。

之宣城郡出新林浦向板橋

江路西南永。歸流東北驚。天際識歸舟。雲中辨
江樹。旅思倦搖搖。孤遊昔已屢。旣歡懷祿情。復
協滄洲趣。囂塵自茲隔。賞心於此遇。雖無玄豹
姿。終隱南山霧。

精氣
休沐重還丹陽道中

薄遊第從告。思間願罷歸。還卽歌賦似。休汝車
騎非。灞池不可別。伊川難重違。汀葭稍靡靡。江
茨復依依。田鵠遠相叫。沙鴉忽爭飛。雲端楚山
見。林表吳岫微。誠與征徒望。鄉淚盡沾衣。賴此
盈樽酌。含景望芳菲。問我勞何事。霑沐仰清徽。
志狹輕軒冕。恩甚戀閨闈。歲華春有酒。初服偃
郊扉。

京路夜

擾擾整夜裝。肅肅戒徂兩。曉星正寥落。晨光復
養漉。猶沾餘露團。稍見朝霞上。故鄉邈已愛。山
川脩且廣。文奏方盈前。懷人去心賞。敕躬每跼
踖。瞻恩惟震蕩。行矣倦路長。無由稅歸鞅。

晚登三山還望京邑

灞涘望長安。河陽視京縣。白日麗飛甍。參差皆
可見。餘霞散成綺。澄江靜如練。喧鳥覆春洲。雜
英滿芳甸。去矣方滯淫。懷哉罷歡宴。佳期悵何
許。淚下如流霰。有情知望鄉。誰能鬢不變。

始出尚書省

惟昔逢休明。十載朝雲陛。既通金閨籍。復酌瓊
筵醴。宸景厭昭臨。昏風淪繼體。紛虹亂朝日。濁
河穢清濟。防口猶寬政。餐茶更如薺。英袞暢人
謀。文明固天啟。青精翼紫軼。黃旗映朱邸。還覩
司隸童。復見東都禮。中區咸已泰。輕生諒昭洒。
音洗趨事辭宮闕。載筆陪旌棨。邑里向疎蕪。寒流
自清泚。衰柳尚沈沈。凝露方泥泥。零落悲友朋。
歡娛燕兄弟。既秉丹石心。甯流素絲涕。因此得

蕭散垂竿深澗底

直中書省

紫殿肅陰陰彤庭赫弘敞風動萬年枝日華承
露掌玲瓏結綺錢深沉映朱網紅藥當階飜蒼
苔依砌上茲言翔鳳池鳴佩多清響信美非吾
室中園思偃仰朋情以鬱陶春物方駘蕩安得
凌風翰聊恣山泉賞

觀朝雨

朔風吹飛雨蕭條江上來既灑百常觀復集九

歲臺空濛如薄霧，散漫似輕埃。平明振衣坐，重
門猶未開。耳目暫無擾，懷古信悠哉。戢翼希驥
首，乘流畏曝鰓。動息無兼遂，岐路多徘徊。方同
戰勝者，去剪北山萊。

宣城郡內登望

借問下車日，匪直望舒圓。寒城一以眺，平楚正
蒼然。山積陵陽阻，溪流春穀泉。威紆距遙甸，巖
崑帶遠天。切切陰風暮，桑柘起寒烟。悵望心已
極，惝恍魂屢遷。結髮倦爲旅，平生早事邊。誰規

言宜坊集 卷全
鼎食盛甯要狐白鮮方棄汝南諾言稅遼東山
帶冬日晚郡事隙

案牘時閒暇偶坐觀卉木颯颯滿池荷
翛翛蔭
牕竹簷隙自周流房櫳閒且肅蒼翠望寒山
崢嶸瞰平陸已惕慕歸心復傷千里目風霜旦夕
甚蕙草無芬馥云誰美笙簧孰是厭邁軸願言
稅逸駕臨潭餌秋菊

高齋視事

餘雪映青山寒霧開白日曖曖江村見離離海

樹出披衣就清盥。憑軒方秉筆。列俎歸單味。連
駕止容膝。空爲大國憂。紛詭諒非一。安得掃荒
逕。鎖吾愁與疾。

風。對。冬。緒。羈。懷。示。蕭。詒。議。虞。田。曹。劉。江。二。常。侍。
去國懷丘園。入遠滯城闕。寒燈耿宵夢。清鏡悲
曉髮。風草不留霜。冰池共如月。寂寞此閒帷。琴
尊任所對。客念坐嬋媛。年華稍菴葺。夙慕雲澤
遊。共奉荆臺績。一聽春鶯喧。再視秋鴻沒。疲驂
良易返。恩波不可越。誰慕臨淄鼎。常希茂陵渴。

言
依隱幸自從。求心果蕪昧。方軫歸與願。故山芝
未歇。奉
落日悵望。坐
昧旦多紛喧。日晏未遑舍。落日餘清陰。高枕東
窗下。寒槐漸如束。秋菊行當把。借問此何時。涼
風懷朔馬。已傷歸慕容。復思離居者。情嗜幸非
多。案牘偏爲寡。旣乏瑯琊政。方憩洛陽社。

山廟喜雨

冬悵懷椒糝。蠲景潔管籥。登秋雖未獻。望歲佇

年祥潭淵深可厲狹邪車未方朦朧度絕限出
沒見林堂秉玉朝群帝樽桂迎東皇排雲接虬
蓋蔽日下霓裳會舞紛瑤席安歌逸鳳梁百味
芬綺帳四座沾羽觴福被延民澤樂極思故鄉
登山騁歸望原雨晦茫茫胡甯昧千里解珮拂
山莊

賦貧民田

假遇一作譽非將迎靖共一作靜拱延殊慶中歲歷三
臺旬月典邦政曾是共治情敢忘卹貧病將無

富教禮。孰有知方性。敦本抑工商。均業省兼併。
察壤見泉脉。覘星視農正。黍稷緣高殖。穉稌卽
甲盛。舊埒新塍分。青苗白水映。遙樹匝清陰。連
山周遠淨。卽此風雲佳。孤觴聊可命。旣微三載
道。庶藉兩岐詠。俾爾倉廩實。余從谷口鄭。

移病還園示親屬

疲策倦人世。斂性就幽蓬。停琴佇涼月。滅燭聽
歸鴻。涼薰乘暮晰。秋華臨夜空。葉低知露密。崖
斷識雲重。折荷葺寒袂。開鏡眇衰容。海暮騰清

氣河關秘棲冲，煙衡時未歇。芝蘭去相從。

治宅

結宇夕陰街，荒幽橫九曲。迢遞南川陽，迤邐西山足。闕館臨秋風，敞牕望寒旭。風碎池中荷，霜翦江南菽。旣無東都金，且稅東臯粟。

秋夜講解

四緣去誰肇，七識習未央。沈沈倒管魄，苦蔭蹙愁腸。琴瑟徒爛熳，姱容空滿堂。春顏遽幾日，秋壘終茫茫。孰云濟沈溺，假願託津梁。惠唱摛泉

湧妙演發金相空有定無執賓實固相忘自來
乘首夏及此申暮霜雲物清晨景衣巾引夕涼
風振蕉蓬裂露下梧楸傷六龍且無借三相甯
久長何時接靈應及子同舟航

春思

茹谿發春水毗山起朝日蘭色望已同萍際轉
如一巢燕聲上下黃鳥弄儔匹邊郊阻遊衍故
人盈契濶夢寐借假簧思歸賴倚瑟幽念漸鬱
陶山楹永爲室

秋夜

秋夜促織鳴南鄰，搗衣急思君。
隔九重，夜夜空伫立。
北牕輕幔垂，西戶月光入。
何知白露下，坐視階前濕。
誰能長分居，秋盡冬復及。

和何議曹郊遊二首

春心澹容與，挾戈步中林。
朝光映紅萼，微風吹好音。
江垂得清賞，山際果幽尋。
未嘗遠離別，知此愜歸心。
流沂終靡已，嗟行方至今。

江臯倦遊客，薄暮懷歸者。
揚舲浮大川，惆悵至

謝宣坊集 卷全 異
日下。霍靡青莎。被潺湲石溜。瀉寄語持笙簧。舒
憂願自假歸途。豈難涉翻同江上夏。

和劉西曹望海臺

滄波不可望。望極與天平。往往孤山映。處處春
雲生。差池遠鴈沒。颯沓群鳧驚。囂塵及簿領。棄
捨出重城。臨川徒可羨。結網庶時營。

和宋記室省中

落日飛鳥遠。憂來不可極。竹樹澄遠陰。雲霞成
異色。懷歸欲乘電。瞻言思解翼。清揚婉禁居。秘

此文墨職無歎阻琴樽相從伊水側

和王著作融八公山

二別阻漢坻。雙嶠望河澳。茲嶺復嶺。旼分區。奠
淮服東限。瑯琊臺。西距孟諸陸。阡眠起雜樹。檀
欒蔭脩竹。日隱澗疑空。雲聚岫如複。出沒眺樓
雉。遠近送春日。戎州昔亂華。素景淪伊穀。陸危
賴宗袞。微管寄明牧。長蛇固能剪。奔鯨自此曝。
道峻芳塵流。業遙年運倏。平生仰令圖。吁嗟命
不淑。浩蕩別親知。連翩戒征軸。再遠館娃宮。兩

去河陽谷風煙四時犯霜雨朝夜沐春秀良已
凋秋塲庶能築

和伏武昌登孫權故城

伏曼容爲
武昌太守

炎靈遺劔璽當塗駭龍戰聖期缺中壤霸功興
寓縣鵲起登吳山鳳翔凌楚甸衿帶窮巖險帷
帟盡謀選北拒溺驂鑿西龕收組練江海旣無
波俯仰流英眎裘冕類禋郊卜葵崇離殿釣臺
臨講閱樊山開廣讌文物共歲黹聲明且蔥蒨
三光厭分景書軌欲同薦參差世祀忽寂寞市

朝變舞館識餘基。歌梁想遺轉故林。衰木平荒池。秋草徧雄圖。悵若茲茂宰。深遐睠幽客。滯江臯。從賞垂纓弁。清卮阻獻酬。良書限聞見。幸藉芳音多。承風采餘絢。于役倘有期。鄂渚同遊衍。

夏始和劉潺陵

威仰弛蒼郊。龍曜表皇隰。春色卷遙甸。炎光驅近邑。白蘋望已騁。細荷紛可襲。徒願尺波旋。終憐寸景戢。對窗斜日過。洞幌鮮飈入。浮雲去欲窮。暮鳥飛相及。柔翰縝芳塵。清源非易揖。迴江

難絕濟。云誰暢伫立。良宰勗夜漁。出入事朝汲。
積羽余旣裳。更賦子盈粒。椅梧何必零。歸來共
棲集。

新治北窗和何從事

國少暇日多。民淳紛務屏。闢牖期清曠。開簾候
風景。泱泱日照溪。團團雲去嶺。岩堯蘭棹峻。駢
闐石路整。池北樹如浮。竹外山猶影。自來彌弦
望。及君臨箕頰。清文蔚且詠。微言超已領。不見
城濠側。思君朝夕頃。迴舟方在辰。何以慰延頸。

和王主簿季哲怨情

掖庭聘絕國。長門失歡宴。相逢詠薜蘿。辭寵悲
團扇。花叢亂數蝶。風簾入雙燕。徒使春帶賒。坐
惜紅粧變。生平一顧重。宿昔千金賤。故人心尚
爾。故人心不見。

和徐都曹出新亭渚

宛洛佳遨遊。春色滿皇州。結軫清郊路。迴瞰蒼
江流。日華川上動。風光草際浮。桃李成蹊徑。桑
榆蔭道周。東都已倣載。言歸望綠疇。

昔余侍君子，歷此遊荆漢。山川隔舊賞，朋僚多
雨散。圖南矯風翮，曾非息短翰。移疾覲新篇，披
衣起淵翫。惆悵懷昔踐，彷彿得殊觀。頽紫共彬
駮，雲錦相凌亂。奔星上未窮，驚雷下將半。迴潮
漬崩樹，輪困軋傾岸。巖篠或傍翻，石茵蕪脩幹。
澄澄明浦媚，衍衍清風爛。江潭良在目，懷賢興
累歎。歲暮不我期，淹留絕巖畔。

增王主簿二首

日落窗中坐。紅粧好顏色。舞衣襞未縫。流黃覆
不織。蜻蛉草際飛。遊蜂花上食。一遇長相思。願
寄連翩翼。

清吹要碧玉。調絃命綠珠。輕歌急綺帶。含笑解
羅襦。餘曲詎幾許。高駕且踟蹰。徘徊韶景暮。

一作

景 憐暮 惟有洛城隅

和蕭中庶直石頭

九河亘積岨。三嶼鬱旁眺。皇州總地德。回江欵
巖獬。并幹艷蒼林。雲薨蔽層嶠。川霞旦上薄。山

光晚餘照。翔集亂歸。飛虹蜺紛引。矚君子奉神
略。瞰迥憑重峭。彈冠已籍甚。升車益英鈔。功存
漢冊書。榮並周庭燎。汲疾移偃息。董園倚談笑。
麾旆一悠悠。謙姿光且劭。讌嘉多暇日。興文起
淵調。曰余廁鱗羽。滅景從漁釣。澤渥資投分。逢
迎典待詔。詠沼邈含毫。專城空坐嘯。徒慚皇鑒
揆。終延曲士誚。方追隱淪訣。偶解金丹要。若偶
巫咸招。帝闈良可叫。

奉和竟陵王同沈右率過劉先生墓

嘉樹因枝條。琢玉良可寶。若人陵曲臺。垂惟茂
淵道。善誘宗學原。鳴鐘霽幽抱。仁焉徂宛洛。清
徽夜何早。歲晚結松陰。平原亂秋草。不有至言
揚。終滯西山老。

春賦 和王長史臥病

岬岫欵崇崖。派別朝洪河。兔園文雅盛。章臺冠
蓋多。淵襟眷睿岳。燮贊動昨歌。顧影慚駢服。載
筆旅江沱。縞衣分可獻。琴言曖已和。青臯向還
色。春潤視生波。巖垂變好身。松上改陳蘿。日與

歲眇邈歸恨積一作蹉跎願緝吳山杜甯袂楚

池荷清風豈孤劭功遂懷曾阿勿藥良有暢荏

苒芳未過幸留清樽味言藉故田莎謝

和江丞北戍琅邪城文

春城麗白日阿閣跨層樓蒼江忽渺渺驅馬復

悠悠京洛多塵霧淮濟未安流豈不思撫劍惜

哉無輕舟夫君良自勉歲暮勿淹留不

和沈祭酒行園對

清淮左長薄荒徑隱高蓬回潮旦夕上寒渠左

右通霜畔紛綺錯秋町鬱蒙茸環梨懸已紫珠
榴折且紅君有棲心地伊我歡既同何用甘泉
側玉樹望青蔥

奉和隨王殿下十六首

高秋夜方靜神居肅且清閒階塗廣露涼宇澄
月陰嬋娟影池竹疎蕪散風林淵情協爽節詠
言興德音闇道空已積千直愧蓬心

星回夜未艾洞房凝遠情雲陰滿池榭中月懸
高城喬木含風霧行鴈飛且鳴平臺盛文雅西

園富羣英。芳慶良永矣。君王嗣德聲。眷此伊洛
詠。載懷汾水情。顧已非麗則。恭惠奉仁明。觀淄
詠已失。憮然愧簪纓。
神心遺魏闕。中想顧汾陽。肅景懷辰豫。捐玦翦
山楊。時惟清夏始。雲景曖含芳。月陰洞野色。日
華麗池光。草含亭臯遠。霞生川路長。端坐聞鶴
引。靜瑟愴復傷。懷哉泉石思。歌詠鬱瓊相。春塘
多迭駕。言從伊與商。袞職眷英覽。獨善伊何忘。
願輟東都遠。弘道侍云梁。

睿心重離析。岐路清江隈。四面寒飈舉。千里白
雲來。川長別管思。地迥翻旗回。還顧昭陽闕。超
遠章華臺。置酒巫山日。爲君停玉杯。

桂樓飛絕限。超遠向江岐。輕寒霽廣甸。微風散
清漪。連連絕鴈舉。渺渺青煙移。嚴城亂芸草。霜
塘凋素枝。氣爽深遙矚。豫永聊停曦。卽已終可
悅。盈尊且若斯。

念深冲照廣。業闡清化玄。端儀穆金殿。敷教藻
瓊筵。船湛輕帷靄。磬轉芳風旋。卷轡棲道樹。方

津棹法舫歸興憑大造，昭塗良易筌。
玄冬寂脩夜，天圍靜且開。亭臯霜氣愴，松宇清
風來。高琴時以思，幽人多感懷。幸藉汾陽想，嶺
日正徘徊。

愴愴緒風興，祁祁族雲布。嚴氣集高軒，稠陰結
寒樹。日月謬論思，朝夕承清豫。徒藉小山文，空
揖章臺賦。

肅景遊清都，脩簪侍蘭室。累榭疎遠風，廣庭麗
鳴日。穆穆神儀靜，悃悃道言密。一殮繫靈表，無

各科年歷

清房洞已靜。開風伊夜來。雲生樹陰遠。軒廣月
容開。宴私移燭飲。遊賞藉琴臺。風猷寇淄鄴。祗
爲愧唐枚。

方池含積水。明月流皎鏡。規荷承日泣。影鱗與
風泳。上善叶淵心。止川測動性。幸是方春來。側
點游濠盛。

浮雲西北起。飛來下高堂。合散輕帷表。飄舞桂
臺陽。遙階收委羽。平地如夜光。眷言金玉照。顧

慚蘭蕙芳。炎光缺風雅。宗霸振時淪。龍德待雲霧。令圖方

再晨。歲遠荒城思。霜華宿草陳。英威遽如是。徘徊

徬岐路人。分悲玉瑟斷。別渚金樽傾。風入芳帷散。釭華蘭

殿明。想折中園草。共知千里情。行雲故鄉色。贈

此一離聲。年華豫已滌。夜艾賞方融。新萍時合水。弱草未

勝風。閨幽瑟易響。臺迥月難中。春物廣餘照。蘭

年華豫已滌。夜艾賞方融。新萍時合水。弱草未

勝風。閨幽瑟易響。臺迥月難中。春物廣餘照。蘭

年華豫已滌。夜艾賞方融。新萍時合水。弱草未

勝風。閨幽瑟易響。臺迥月難中。春物廣餘照。蘭

萱佩未窮。

連漪映餘雪，巖城限深霧。清寒起潺門，東風急池樹。神居望已肅，徘徊舉冲趣。棲歸如遲詠，丘山不可屢。

和紀參軍服散得益

金液稱九轉，西山歌五色。鍊質乃排雲，濯景終不測。雲英亦可餌，且駐羲和力。能令長卿臥，暫故遇真識。

和王中丞聞琴

涼風吹月露，圓景動清陰。
蕙風八懷抱，聞君此夜琴。
蕭瑟滿林聽，輕鳴響澗音。
無爲澹容與，蹉跎江海心。

將發石頭上烽火樓

徘徊戀京邑，躑躅躡曾阿。
陵高遲關近，眺迥風雲多。
荆吳阻山岫，江海含瀾波。
歸飛無羽翼，其如離別何。

望三湖

積水照頰霞，高臺望歸翼。
平原周遠近，連汀見

紆直歲。麤向春秀。芸黃共秋兔。薄暮傷哉人。嬋
媛復何極。

送江水曹還遠館

高館臨荒途。清川帶長陌。上有流思人。懷舊望
歸客。塘邊草雜紅。樹際花猶白。日暮有重城。何
由盡離席。

送江兵曹檀王簿朱孝廉還上國

方舟泛春渚。攜手趨上京。安知暮歸客。詎憶山
中情。香風蕊上發。好鳥葉間鳴。揮袂送君已。獨

此夜琴聲

臨溪送別

悵望南浦時。徙倚北梁步。葉上涼風初。日隱輕
霞暮。荒城迴易陰。秋溪廣難渡。沫泣豈徒然。君
子行多露。

後齋迴望

高軒瞰四野。臨牖眺襟帶。望山白雲裏。望水平
原外。夏木轉成帷。秋荷漸如蓋。鞏洛常睠然。搖
心似懸旆。

與江水曹至于濱戲

玉臺云別
江水曹

山中上芳月，故人清樽賞。遠山翠百重，迴流映

千丈花枝聚如雪，蕪絲散猶網。

一作垂藤
散似網

別後

能相思，何嗟異封壤。

答沈右率諸君餞別

春夜別清樽，江潭復爲客。歎息東流水，如何故

鄉陌。重樹日芬藍，芳洲轉如積。望望荆臺下，歸

夢相思久。

離夜同江丞王常侍作

玉繩隱高樹，斜漢耿層臺。離堂華燭盡，別幌清琴哀。翻潮尚知限，客思耿難裁。山川不可夢，况乃故人杯。

祀敬亭山廟

翦削兼太華，崢嶸跨玄圃。貝闕眇阿宮，薜帷陰網戶。參差時未來，徘徊望澧浦。椒糈若馨香，無絕傳終古。

出下館

麥候始清和，涼雨銷炎燠。紅蓮搖弱荇，丹藤漑

新竹物色盈懷抱，方駕娛耳目。零落既難留，何
用存華屋。

落日同何儀曹煦

參差複殿影，氛氳綺羅雜。風入天淵池，芰荷搖
復合。遠聽雀聲聚，回望樹陰沓。一賞桂尊前，甯
傷蓬髮颯。

夜聽妓二首

瓊闥釧響聞，瑤席芳塵滿。要取洛陽人，共命江
南管。情多無態遲，意傾歌弄緩。知君密見親，寸

心傳玉盃

上客光四座。佳麗直千金。挂釵報纓絕。墮珥答
琴心。蛾眉已共笑。清香復入襟。歡樂夜方靜。翠
帳垂沈沈。

詠薔薇

低枝詎勝葉。輕香幸自通。發萼初攢紫。餘采尚
霏紅。新花對白日。故蕊逐行風。參差不俱曜。誰
肯盼微叢。

詠蒲

離離水上蒲，結水散爲珠。間厠秋菡萏，出入春
鳧雛。初萌實雕俎，暮葢雜椒塗。所悲塘上曲，遂
鑠黃金軀。

詠兔絲

輕絲旣難理，細縷竟無織。爛熳已萬條，連綿復
一色。安根不可知，縈心終不測。所貴能卷舒，伊
用蓬生直。

遊東堂詠桐

孤桐北牕外，高枝百尺餘。葉生旣婀娜，葉落更

扶疎無華復無實何以贈離居裁爲珪與瑞足
可命參墟

雜詠三首

鏡臺

玲瓏類丹檻茗亭似立闕對鳳懸清冰垂龍挂
明月照粉拂紅粧插花理雲髮玉顏徒自見常
畏君情歇

燈

發翠斜漢裏蓄寶宕山峰抽莖類仙掌銜光似

燭龍飛蛾再三繞、輕花四五重、孤對相思夕、空
照舞衣縫

本上歌燭

杏梁賓未散、桂宮明欲沈、暖色輕帷裏、低光照
寶琴、徘徊雲髻影、的爍綺疏金、恨君秋月夜、遺
我洞房陰

同詠樂器得琴

洞庭風雨幹龍門、生死枝雕刻紛布、濩冲響鬱
清卮、春風搖蕙草、秋月滿華池、是時操別鶴、淫

淫客淚垂

同詠坐上玩器得烏皮隱几

蟠木生附枝、刻削豈無施、取則龍文鼎、二趾獻
光儀、勿言素韋潔、白沙尚推移、曲躬奉微用、聊
承終宴疲、

同詠坐上所見一物得席

本生潮汐池、落景照參差、汀洲蔽杜若、幽渚奪
江籬、遇君時采擷、玉座奉金卮、但願羅衣拂、無
使素塵彌、

詠竹火籠

庭雪亂如花，井冰粲成玉。因炎入貂袖，懷溫奉
芳褥。體密用宜通，文邪性非曲。本自江南墟，嫵
娟脩且綠。暫承君玉指，請謝陽春旭。

詠風

徘徊發紅萼，歲蕤動綠葳。垂楊低復舉，新萍合
且離。步檐行袖靡，當戶思襟披。高響飄歌吹，相
思子未知。時拂孤鸞鏡，星鬢視參差。

詠竹

謝宜城集 卷全
窗前一叢竹、青翠獨言奇、南條交北葉、新筍雜
故枝、月光疎已密、風來起復垂、青扈飛不礙、黃
口得相窺、但恨從風籜、根株長別離、

詠落梅

新葉初冉冉、初莖新菲菲、逢君後園燕、相隨巧
笑歸、親勞君玉指、摘以贈南威、用持插雲髻、翡
翠比光輝、日暮長零落、君恩不可追、

詠牆北梔子

有美當階樹、霜露未能移、金蕢發朱采、映日以

離離幸賴夕陽下，餘景及西枝。
還思照綠水，君階無曲池。
餘榮未能已，晚實猶見奇。
復留傾筐德君恩，信未貲。

詠鵝

蕙草含初芳，瑤池暖晚色。
得廁鴻鸞影，晞光弄羽翼。

聯句

阻雪連句遥贈和

積雪皓陰池，北風鳴細枝。九達密如繡，何異遠

別離。謝朓風庭舞流霰，冰沼結文湖。飲春雖以燠，

欽賢紛若馳。江秀珠囊條間響，玉溜檐下垂。杯

酒不相接，寸心良共知。王丞融飛雲亂無緒，結冰

明曲池。雖乖促席讌，白首信勿虧。王蘭陵僧孺飄素

瑩簷溜，巖結噎通岐。罇疊如未澣，况乃限音儀。

謝洗馬吳原隰望徙倚，松筠竟不移。隱憂慙萱樹，忘

懷待山巒

劉中書繪

初昕逸翮舉日旻駑馬疲幽山

有桂樹歲暮方參差

沈右率約

還塗臨渚

綠水纈清波青山繡芳質落景皎晚陰殘花綺

餘日

何從事

白沙澹無際青山眇如一傷此物運

移惆悵望還律

吳郎

白水田外明孤嶺松上出卽

趣佳可淹淹留非下秩

府君遙和

紀功曹中園

蘭亭仰遠風芳林接雲崑傾葉順清飈脩莖佇

高鶴

何從事

連綿夕雲歸
曉日將落寸陰不可

留蘭墀豈停酌

吳郎

丹纓猶照樹
綠筠方解籜永

志能兩忘即賞謝仁壑

府君

間坐

雨洗花葉鮮
泉漫芳塘溢
藉此間賦詩聊用蕩

羈疾

陳郎

霖霖微雨散
歲蕤蕙草密
預藉芳筵賞

沾生信昭悉

紀功曹晏

紫葵窓外舒
青荷池上出
既

闔、頽、川、扉、且、臥、淮、南、秩

府君

流風蕩晚陰
行雲掩

朝日余此蘭蕙客
徒有芳菲質

何從事

侍筵西堂落日望鄉

沈病已綿緒、負官別鄉憂、高城淒夕吹、時見國

烟浮、曹丞漠漠輕雲晚、颯颯高樹秋、鄉山不可望、

蘭卮且獻酬、府君旻高識氣迥、泉渟知潦收、幸遇

慶筵渥方且沐恩、猷、紀功曹晏芸黃先露早、騷瑟驚

暮秋、舊城望已肅、况乃客悠悠、何從事

往敬亭路中

山中芳杜綠、江南蓮葉紫、芳年不共遊、淹留空

若是、府君綠水豐漣漪、青山多繡綺、新條日向抽、

落花紛已委

何從

弱萼既青翠，輕莎方霍靡。鸞

鷗沒而遊，麇麇騰復倚。

齊舉

春岸望沈沈，清流

見瀾瀾，幸藉人外遊，盤桓未能徙。

陳

驚樵把瓊

芳隨山訪靈，詭榮楯每嶙峋。林堂多碣礧，

府君

祀敬亭山春雨

水府衆靈出，石室寶圖開。白雲帝鄉下，行雨巫

山來。

府君

歌風讚靈德，舞蹈起輕埃。高軒乍留吹，

立羽或徘徊。

何從

福降羣仙下，識逸百神該。青

鳥飛層隙，赤鯉沫瀾隈。

齊舉

長樂曾朝表黜未備別

交極吏檢斷

山來謂煇風指雲

水取泉靈山石空寶圖閱白雲帝幣不可行

孤煙亭山春雨

天湖山荷靈詣樂醉與樓幽林室矣

長瀾瀾幸辭人收茲益卧未論

題之而茲曹稟

各共後已

本傳

謝朓字玄暉，陳郡陽夏人也。祖述，吳興太守。父諱散，騎侍郎。朓少好學，有美名。文章清麗，解褐豫章王太尉行參軍，遷隨王東中郎府，轉王儉衛軍東閣祭酒。太子舍人。隨王鎮西功曹，轉文學。子隆在荊州，好辭賦，數集僚友。朓以文才，尤被賞愛，流連晤對，不捨日夕。長史王秀之以朓年少相動，密以啓聞。世祖敕曰：侍讀虞雲，自宜恒應侍接。朓可還都。朓道中爲詩寄西府曰：常

恐鷹隼擊。秋菊委嚴霜。寄言尉羅者。寥廓已高翔。遷新安王中軍記室。尋以本官兼尚書殿中郎。隆昌初。敕朏接北使。朏自以口訥。啓讓。見許。高宗輔政。以朏爲驃騎諮議領記室。掌霸府文筆。又掌中書詔誥。除秘書丞。未拜。仍轉中書郎。出爲宣城太守。以選復爲中書郎。建武四年。出爲晉安王鎮北諮議。南東海太守。行南徐州事。啓王敬則反。謀上甚嘉賞之。遷尚書吏部郎。朏上表三讓中書。疑朏官未及讓。以問祭酒沈約。

約曰。宋元嘉中。范曄讓吏部。朱脩之讓黃門。蔡興宗讓中書。並三表不讓。遂成恒俗。恐此並貴重。初不自讓。今孔顛並讓記室。今豈授超階。讓別有意。豈出人情。若大官必讓如此。謂都非疑。朏又啓讓上優答不許。朏善草隸。長五言詩。沈約常云。二百年來無此詩也。敬

皇后遷祔山陵，朏撰哀策文，齊世莫有及者。東昏失德，江祏欲立江夏王寶立，末更回惑，與弟祗密謂朏曰：江夏年少輕脫，不堪負荷神器，不可復行廢立。始安年長入纂，不乖物望，非以此要富貴，政是求安國家耳。遙光又遣親人劉渢密致意於朏，欲以爲肺腑。朏自以受恩高宗，非渢所言，不肯答。少日，遙光以朏兼知衛尉事，朏懼見引，卽以祏等謀告左興盛，興盛不敢發言。祏聞，以告遙光，遙光大怒，乃稱勅召朏，仍回車。

付廷尉。與徐孝嗣、拓暄等連名啓誅。朏曰：謝朏資性險薄，大彰遠近。王敬則往構凶逆，微有誠効，白爾昇擢，超越倫伍，而谿壑無厭，著於觸事。比遂扇動內外，處處姦說，妄貶乘輿，竊論宮禁。間謗親賢，輕議朝宰，醜言異計，非可具聞。無君之心，旣著，共棄之誅，宜及。臣等參議，宜下北里，肅正刑書，詔公等啓事如此。朏資性輕險，久彰物議，直以雕蟲薄伎，見齒衣冠。昔在渚宮，構扇蕃邸，日夜從諛，仰窺俯畫，及還京師，翻自宣露。

江漢無波。以爲已功。素論於茲。而盡縉紳所以側目去夏之事。頗有微誠。賞擢曲加。踰邁倫序。感悅未聞。陵競彌著。遂復矯構風塵。妄惑朱紫。詆貶朝政。疑間親賢。巧言利口。見醜前志。涓流纖孽。作戒遠圖。宜有少正之刑。以申去害之義。便可收付廷尉。肅明國典。又使御史中丞范岫奏收朓下獄。死時年三十六。朓初告王敬則。敬則女爲朓妻。常懷刀欲報朓。朓不敢相見。及爲吏部郎。沈昭畧謂朓曰。卿人地之美。無忝此職。

但恨今日刑于寡妻，眇臨敗歎曰：我不殺王公，
王公由我而死。